

ԲՅՈՒՋԱՆԳԻ ԿԵՆՏՐԱԿԱՆ IX ՀԱՄԱԼՄԻՈՒԹԵՆԱԿԱՆ ՆՍՏԱՇՐՋԱՆԸ

(Երևան, 11—13 մայիսի, 1971)

Բյուզանդագիտությունը մեր երկրում ունի շատ խոր արմատներ, սակայն 1920—1960-ական թթ. այդ մասնաճյուղը, ինչ-ինչ պատճառներով, որպես ինքնուրույն գիտություն, զրկվել էրաջել էր Պատերազմից հետո բյուզանդագիտությունը սկսում է նորից զարգանալ և այժմ պատկանում է ընդհանուր պատմության այն ճյուղերի թվին, որոնք լայն ճանաչում ունեն ինչպես մեր երկրում, այնպես էլ նրա սահմաններից դուրս:

Պետք է շեշտել, որ բյուզանդագիտության աշխարհագրությունը այժմ լայնացել է և լենինգրադից ու Մոսկվայից բացի, բյուզանդագետներ են աշխատում Սվերդլովսկում, Երևանում, Թբիլիսիում և այլուր: Այդ մասնագետների միմյանց հետ հաղորդակցվելու ձգտումը գնալով աճում է: Լենինգրադի նստաշրջանը գումարվել է 1958 թ., Թբիլիսիինը՝ 1965 թ., Սվերդլովսկինը՝ 1969 թ., իսկ Երևանինը՝ 1971 թ.: Պատահական չէ, որ հերթական հանդիպման համար ընտրվել էր Երևանը: Հայագիտությունը սերտորեն կապված է բյուզանդագիտության հետ ինչպես սկզբնաղբյուր հանդիսացող նյութերով, այնպես էլ մեթոդիկայով: Ի դեպ, բյուզանդագիտության առանձնահատկություններից մեկն այն է, որ այդ մասնաճյուղի սահմանները գնալով լայնանում են և հաճախ դժվար է որոշակի սահմանագիծ դնել բյուզանդագիտության և արևելագիտության ու սլավոնագիտության միջև: Հայաստանը սերտ հարաբերությունների մեջ է նաև բյուզանդիայի հետ, դարեր շարունակ իր տարածության որոշ մասերով եղել է բյուզանդական կայսրության կազմում: Բյուզանդական մշակույթի ազդեցությունը հայկական մշակույթի վրա անհնարին է գերադնահատել: Եթե այս ամենին ավելացնենք, որ վերջին տարիների ընթացքում Հայաստանը կրթել է իր սեփական կադրերը, որոնք տարբեր գիտական հաստատություններում մասնագիտորեն զբաղվում են բյուզանդագիտությամբ կամ հարակից հարցերով, ապա պարզ կլինի, որ նստաշրջանի գումարումը Երևանում միանգամայն արդարացված էր:

Հայ մասնագետներից բացի նստաշրջանին մասնակցել են մի քանի տասնյակ գիտնականներ լենինգրադից, Մոսկվայից, Սվերդլովսկից, Թբիլիսիից, Բաքվից, Կալինինից, Վոլգոգրադից, Կադանից: Տեղի է ունեցել երկու պլենար և 14 սեկցիոն նիստ, ընդ որում աշխատել են 4 սեկցիա՝ պատմության ու իրավունքի պատմության, հասարակական մտքի պատմության ու հրականագիտության, աղբյուրագիտության ու օժանդակ գիտությունների, հնագիտության, ճարտարապետության և արվեստի պատմության: Ընթերցվել է ավելի քան 70 զեկուցում:

Նստաշրջանի զլխավոր թեման էր բյուզանդական ֆեոդալիզմի ծագումն ու էությունը: Այդ հարցին էին նվիրել իրենց ելույթները Զ. Վ. Ուլալցովան (Մոսկվա) և Մ. Յա. Սյուլյույմովը (Սվերդլովսկ): Բյուզանդական քաղաքը խոշոր դեր է կատարել ֆեոդալիզմի զարգացման ընթացքում. այդ մասին հաղորդեցին Դ. Լ. Կուրբատովը և Բ. Ֆ. Ֆիլմանը: Ա. Պ. Կաժդանը (Մոսկվա) զեկուցեց տիրող դասակարգի ձևավորման մասին X—XII դդ., քննության առնելով այդ շրջանի հատկապես տոհմաբանական հարցերը: Այս թեման կարևոր է նաև հայագիտության համար, քանի որ բյուզանդական բազմաթիվ մեծատոհմիկներ ունեցել են հայկական ծագում: Ս. Տ. Երեմյանը (Երևան) խոսեց Բյուզանդիայի դերի մասին՝ հայկական ֆեոդալիզմի զարգացման ընթացքում, իսկ Վ. Դ. Կորոլյուկը (Մոսկվա) արծարծեց նման հարցեր կենտրոնական և հարավ-արևելյան նվիրույթի վերաբերյալ:

Ինչպես և նախորդ նստաշրջաններում, Երևանի նստաշրջանում մեծ տեղ է հատկացվել Բյուզանդիայի կապերին հարևան ժողովուրդների հետ: Ազգայնաբանի և Բյուզանդիայի առևտրական կապերի մասին խոսեցին Ն. Գուլիևը և Ա. Ռաջարյան (Բաքու): Մ. Մ. Ֆրերենցերի (Կալինին) ելույթը նվիրված էր զալմատական քաղաքին՝ Բյուզանդական կայսրության կազմում: Բյուզանդիայի և սելջուկների փոխհարաբերությունների մասին հաղորդեց Ռ. Ա. Հուսեյնովը (Բաքու): Ս. Գ. Ղաուխյի-

շվիլին (Թրիլիսի) կոնկրետ նյութի վրա ցույց տվեց, թե ինչպես էր շաղկապվում Բյուզանդիայի քաղաքականությունը Հայաստանի, Վրաստանի ու Աղվանքի քաղաքական ձգտումների հետ: Արարա-բյուզանդական հարաբերությունների մասին խոսեց Ա. Տեր-Ղեկոյանը, իսկ Վ. Ա. Արուստյունովան (Երևան) վերլուծեց Փիլարտոս Վարաժնունու քաղաքականությունը բյուզանդիայի և հարևան ժողովուրդների նկատմամբ:

Նստաշրջանի ծրագրում մեծ տեղ էին զբաղում զրականադիտական ելույթները, որոնց մեծամասնությունը նվիրված էր անտիկ դրական ժառանգությանը՝ բյուզանդական դրականության մեջ, ինչպես նաև բյուզանդական դրականության առանձնահատկություններին (Տ. Ա. Միլլեր, Տ. Վ. Պոպովա, Ս. Ս. Ավերինցև՝ Մոսկվա, Մ. Ա. Պոլյակովսկայա՝ Սվերդլովսկ, Հ. Մ. Բարթիկյան՝ Երևան, Ս. Վ. Պոլյակովա, Յա. Ն. Լյուբարսկի՝ Լենինգրադ և մյուսներ):

Բազմազան ելույթներ նվիրվեցին արվեստի պատմությանը՝ ճարտարապետությանը (Ա. Լ. Յակոբսոն՝ Լենինգրադ, Ս. Խ. Մնացականյան՝ Երևան, Ա. Ի. Կոմեն՝ Մոսկվա), մանրանկարչությանը (Տ. Ա. Իդմայլովա, Վ. Դ. Լիխաշովա՝ Լենինգրադ, Լ. Ջ. Զաքարյան՝ Երևան, Գ. Ի. Վլադիմիրով՝ Մոսկվա), որմնանկարչությանը (Բ. Ն. Առաքելյան, Լ. Ի. Ազարյան՝ Երևան, Օ. Ս. Պոպովա՝ Մոսկվա), արձաթագործությանը (Ա. Վ. Բանկ, Ա. Յա. Կակովկին՝ Լենինգրադ):

Բազմազան էր աղբյուրագիտության և օժանդակ գիտությունների սեկցիայի ծրագիրը: Թարմ նյութ մատուցեցին Ի. Վ. Սոկոլովան և Վ. Ս. Շանդրովսկայան (Լենինգրադ), վերջինս վերլուծության ենթարկեց էրմիտաժում պահվող կնիքներից այն օրինակները, որոնք պատկանելիս են ևղել հայկական ծագում ունեցող բյուզանդական պատմական մի շարք անձնավորություններին: Ա. Բ. Աբրահամյանը խոսեց Անդրեաս Բյուզանդացու տոմարական աղյուսակների մասին, իսկ Պ. Մ. Մուրադյանը ծանոթացրեց ունկնդիրներին իր՝ Աղաթանգեղոսի վերաբերյալ կատարված աղբյուրագիտական պրպտումների արդյունքներին: Ն. Կ. Թաճիզյանի զեկուցումը նվիրված էր վաղ միջնադարյան հայ-բյուզանդական երաժշտական կապերի ընթացիկ հարմարությանը: Ասորա-հուրմեկան դատաստանագրքի մասին խոսեց Ն. Ա. Թորոսյանը (Երևան):

Մի շարք ելույթներ կարևոր ինֆորմացիա էին պարունակում ձեռագրական հավաքածուների մասին (Ք. Է. Երանստրեմ, որը դժբախտաբար, ի վիճակի չէր ժամանելու Երևան, Զ. Գ. Սամոգորով, Բ. Լ. Ֆոնկիչ, Յա. Ն. Շչապով՝

Մոսկվա): Լ. Ս. Միմինոշվիլին (Թրիլիսի) աղորդեց հունա-վրացական բառարանի կազմության մասին, «Византизм и Временник»-ի պատասխանատու քարտուղար Բ. Ա. Նասլեզովան (Մոսկվա) ներկայացրեց այդ պարբերականի վիճակը վերջին տասը տարվա ընթացքում, իսկ Կ. Ա. Օսիպովան (Մոսկվա) խոսեց բյուզանդագիտության հարցերի քննարկման մասին՝ պատմաբանների XIII համաշխարհային համագումարում, որը տեղի է ունեցել Մոսկվայում 1970 թ. օգոստոսին և ունեցել է նաև բյուզանդագիտության մասնաճյուղ:

Սգրափակիչ նիստում բոլոր ելույթ ունեցողները միաձայն շեշտեցին Երևանի նստաշրջանի բարձր գիտական մակարդակը: Նստաշրջանի մասնակիցները հնարավորություն ունեցան այցելելու մի շարք պատմական ուշադրանքների. կազմակերպված էր հայ միջնադարյան երաժշտության զեկուցիկ համերգ: Հայագիտության համար սույն նստաշրջանը ամենից առաջ ուշադրավ էր գիտական առումով. Երևանից ելույթ ունեցան 12 գիտնական (ՀՍՍՀ ԳԱ պատմության ինստիտուտից, հնագիտության և ազգագրության ինստիտուտից, արվեստի պատմության ինստիտուտից, Մաշտոցի անվան Մատենադարանից, պետհամալսարանի հնագիտության և աղբյուրագիտության ամբիոնից): Ելույթները նվիրված էին մեծ մասամբ հայ-բյուզանդական պատմաճակովային կապերին: Այդ զեկուցումները մեկ անգամ ևս բացահայտեցին հայկական նյութերի կարևորությունը բյուզանդագիտական խնդիրներ լուծելիս: Համոզված կարելի է ասել, որ Երևանի ներկայացուցիչների ելույթները համապատասխան էին այն ընդհանուր բարձր մակարդակին, որ հատուկ էր անցած նստաշրջանին: Այդ հանգամանքը ինքնին զալիս է ասելու, որ Երևանում բյուզանդագիտությունը արմատակալվել է և ունի զարգացման լայն հեռանկարներ: Սակայն, միաժամանակ, պետք է նշել, որ Երևանի գիտնականների զեկուցումները, ճնշող մեծամասնությամբ, հիմնված էին հայկական նյութի, հայալեզու աղբյուրների վրա: Եթե յուրաքանչյուր առանձին վերցրած զեկուցում այդպիսի միակողմանիությունը արդարացված է այս կամ այն զեկուցման ընդլայնում, ապա ընդհանուր առմամբ դա տեղի է տալիս որոշ անհանգստության, քանի որ բյուզանդագիտության ապագան Հայաստանում պայմանավորված է լինելու հիմնականում հունա-լատինական աղբյուրների ուսումնասիրությամբ:

Կ. ՅՈՒՋԲԱՆՅԱՆ
(Լենինգրադ)